

**Dumonda Müller (Favugn) concernent il cumbat cunter violenza envers dunnas e violenza a chasa**

Sin basa da la resposta da la regenza a la dumonda Müller concernent la realisaziun da la convenziun d'Istanbul inoltrada durant la sessiun d'avust 2018 resultan ulteriuras dumondas.

Ils 13 da november 2018 ha gì lieu la conferenza naziunala davart la realisaziun da la convenziun d'Istanbul. La resposta da la regenza a la dumonda Müller concernent la realisaziun da la convenziun d'Istanbul è sa basada tranter auter sin la posiziun che questa conferenza vegnia a dar la direcziun per la realisaziun da la convenziun sin plaun chantunal. Ultra da quai veglian ins spetgar cun la determinaziun dal basegn d'agir concret, fin che las experientschas da las gruppas da lavur sajan enconuscentas.

Sin fundament dals resultats da la conferenza sco er sin fundament da la gronda relevanza ed actualitad da la tematica tschentan las sutsegnadras ed ils sutsegnaders las suandantas dumondas a la regenza:

1. Il post da coordinaziun cunter violenza a chasa che appartegna a l'uffizi dal servetsch social chantunal ha incumbensas ch'èn definidas cleramain. Tgeninas da quellas èn vegnidas e vegnan ademplidas?
2. Ils 13 da november 2018 ha gì lieu la conferenza naziunala davart la realisaziun da la convenziun d'Istanbul. Tge novas enconuschientschas e tge basegn d'agir resultan tenor la regenza sin fundament da questa conferenza? Co sa preschenta l'ulteriur proceder?
3. Tenor il concept da realisaziun da la convenziun d'Istanbul (p.15) da l'uffizi federal per l'egualitad tranter dunna ed um (UFEG) han ils chantuns fatg la stad 2018 sin plaun spezialisà in inventari che duai dar ina survista. Tge consequenzas resultan per il chantun Grischun?
4. Cura pon ins far quint cun il rapport dal chantun Grischun a la confederaziun davart la realisaziun da la convenziun d'Istanbul? Vegn quel mess a disposiziun al cussegl grond resp. a la cumissiun cumpetenta?

Cuira, ils 5 da december 2018

**Müller (Favugn)**, Widmer (Favugn), Florin-Caluori, Atanes, Berther, Bettinaglio, Cahenzli-Philipp, Caluori, Casutt-Derungs, Cavegn, Caviezal (Cuira), Clalüna, Danuser, Degiacomi, Deplazes (Cuira), Gasser, Geisseler, Gugelmann, Hitz-Rusch, Hofmann, Holzinger-Loretz, Horrer, Locher Benguerel, Maissen, Michael (Donat), Müller (Susch), Noi-Togni, Perl, Preisig, Rettich, Rutishauser, Schwärzel, Stiffler, Thomann-Frank, Thöny, Tomaschett-Berther (Trun), Widmer-Spreiter (Cuira), Wieland, Wilhelm, Zanetti (Sent), Brändli Capaul, Bürgi-Büchel, Gujan-Dönier, Spadarotto